

Ilinniarnertuunngorniarfimmi angusimasanik
ilinniarnermut allamut nuussisarneq allatullu
atuartitsinermut peqataannginnissaq pillugu
Namminersorlutik Oqartussat nalunaarutaat

Ilinniarnertuunngorniartarneq pillugu Inatsisartut inatsisaanni nr. 13, 22. november 2011-meersumi § 40, imm. 5 naapertorlugu aalajangersarneqarpoq:

Nassuaatit

§ 1. Angusimasanik ilinniarnermut allamut nuussineq nalunaarummi matumani tassaatinneqarpoq ilinniartup ilinniarneruntuunngorniarfirmi piffissap ilinniagaqarfiusup ilinniartuuffiusullu ilaani peqataanngissinnaatitaanera. Angusimasanik ilinniarnermut allamut nuussinikkut soraarummeernermit misilitsissummut ataatsimut arlalinnulluuniit peqataangitsoortoqarsinnaavog.

§ 2. Atuartitsinermi angusimasanik ilinniarnermut allamut nuussisinnaanissamut tunngavissiisumi pineqarpoq:

- 1) fagini ilinniarnertuunngorniarfimmi atuartitsiviusuni allanilu ilinniarnertuunngorniarfinni ilinniagassatut pilersaarutit pillugit Namminersorlutik Oqartussat nalunaarutaat naapertorlugu ingerlanneqartuni faginilu allani kalaallit danskilluunniit oqartussaasuinit ilinniarnertuunngorniarfinni qaffasissutsinut A, B-mut C-mulluunniit inissinneqarsimasuni atuartitsineq,
 - 2) nunat avannarliit arlaannit Savalimmiuniillu aamma Ålandimit ilinniarnertuunngorniarfinni atuartitsineq, imaluunniit
 - 3) fagini ingerlatanilu allani nr. 1-im 2-milu taaneqartunit allaanerusuni atuartitsineq, tamatumani Ilinniartitaanermut Naalakkersuisoqarfik rektorimit tamatuminnga inassuteqartoqarneratigut suliatigut tunngaveqarluni taamatut aalajangiippat.

Imm. 2. Atuartitsineq pineqartoq ilinniarnertuunngorniarfinni qaffasissutsini A, B-mi C-miluunniit inissisimareersimangippat Ilinniartitaanermut Naalakkersuisoqarfik rektorimit tamanna pillugu inassuteqartoqarneratigut pisariaqartinneqarpat suliatigut tunngaveqarluni inissiisinnaavoq.

Angusimasanik ilinniarnermut allamut nuussisinnaanissamut piumasagaatit

§ 3. Ilinniartoq fagimi ilikkagassatut anguniagaasunik tamakkiisumik ilaannakortumilluunniit naammassinniffiusumik suliatigut piginnaasaqalersimasoq rektori naliliippat qinnuteqartoqarneratigut

angusimasanik ilinniakkamut allamut nuussinissaq rektorimit akuerineqarsinnaavoq, tak. § 2.

Imm. 2. Angusanik ilinniakkamut allamut nuussinissamik qinnuteqarnermut tunngavissiisuuusunik ingerlataqarsimanermut uppernarsaatnik pisariaqartinneqartunik, taakkununnga ilanngullugit siusinnerusukkut atuartitsinermit uppernarsaatnik atsiornernillu saqqummiussinissaq ilinniartup akisussaaffigaa.

§ 4. Angusimasanik ilinniarnermut allamut nuussisoqarsinnaavoq tamakkiisutut, ilaannakortumik imaluunniit taarsiissutitut nuussinertut.

Imm. 2. Faginut angusimasanik ilinniarnermut allamut nuussinissamik qinnuteqarnermi tunngavigneqartunut malittarisassat naapertorlugit ilinniartup fagimik pineqartup assinganik taamatulli, imaluunniit ilinniarnertuunngorniarfinni qaffasinnerusumik naammassinnissimaguni angusimasanik tamakkiisumik nuussinissamut akuerineqarsinnaatitaavoq, taamaattorli tak. § 13, imm. 2.

Imm. 3. Ilinniartoq fagimi ilikkagassatut anguniakkanik tamakkiisumik ilaannakortumilluunniit naammassinnissimalluni suliatigut piginnaasaqalersimappat angusimasanik ilinniarnermut allamut ilaannakortumik nuussisoqarsinnaavoq.

Imm. 4. Taarsiissutitut angusimasanik ilinniakkamut allamut nuussisoqarsinnaavoq ilinniartoq fagimik allamik fagimilluunniit allatut taasamik taamatulli imaluunniit qaffasinnerusumik, ilinniakkami siunertamut tunngasuni fagimut peqataanngiffigisassatut aaqqinnejartumut taarsiunneqarsinnaasumik naammassinnissimappat. Angusimasanik faginut kalaallisut, danskisut, tuluttut matematikkimullu, kiisalu ilinniartitaanermi suliassamut taarsiissuteqarnikkut nuussisoqarsinnaanngilaq.

§ 5. Ilinniartunut ukiumik ilinniarfiusumik kingullermik aallaqqaataaneerisunut ilinniartunullu ilinniakkamik qimatsinerup kingorna ilinniartitaanermut akuerineqartunut angusimasanik ilinniarnermut allamut nuussisinnaanermik rektori killilersuisinnaavoq. Ilinniartup suliatigut pisariaqartitai aallaavigalugit ilinniarnermillu ingerlatseqqinnerup naapertuuttumik ataqtigiisumillu aaqqissuunneqarnissaa aallaavigalugu killilersuineq aalajangersaavagineqassaaq.

Angusanit ilinniarnermut allamut nuussinerup inatsisitigut sunniutai

§ 6. Angusanik ilinniarnermut allamut tamakkiisumik nuussinerup ilinniartup fagimi ataatsimi atuartitsinermit tamarmiusumik peqataannginnissaa fagimillu naammassinninnginnissaa nassatarissavaa.

§ 7. Angusimasanik ilinniarnermut allamut ilaannakortumik nuussinerup ilinniartup fagimi taassumaluunniit ilaani atuartitsinermit tamarmiusumik peqataannginnissaa nassatarissavaa. Taamaakkaluartoq ilinniartup fagi naammassisavaa, tamanna pillugu malittarisassat naapertorlugit. Taamaattorli fagimi piukkunnassutsimut inaarutaasumik karakteereqalernissamut tunngavissaanngitsunik angusimasanik ilinniarnermut allamut nuussisoqarpat ilinniartoq fagimi tamatigut misilitsittassaaq.

Imm. 2. Piffissanut soraarummeerfiusussanut Naalakkersuisut aalajangersagaannut tunngatillugu tamanna ajornanngippat rektorip fagimi misilitsinnissaq siuartissinnaavaa.

§ 8. Taarsiissutitut angusimasanik ilinniarnermut allamut nuussinerup ilinniartup fagimi atuartitsinermut tamarmiusumut fagimillu naammassinninssamut peqataannginnissaa nassatarissavaa. Ilinniartup fagimik

pineqartumik qaffasinnerusumik nangitsinissamut periarfissai rektorip killilersorsinnaavaa.

§ 9. Piukkunnassutsimut karakteereqalerfiusumik fagimik naammassinninnissamut misilitsinnerusinnaasumullu peqataannginnissami ilinniartup fagimi taamatulli qaffasitsigisumik qaffasinnerusumilluunniit misilitserersimanissa allatalluunniit ilinniarnertruunngorniarfimmi fagimik naammassinnissimanissa piumasaqaataavoq, tamanna pillugu malittarisassat naapertorlugit.

§ 10. Ilinniartut atuartitsinermut peqataanngiffiusussamik angusimasanik ilinniarnermut allamut nuussisimasut atuartitsinermut pineqartumut peqataasinnaatitaanngillat.

§ 11. Ilinniartut fagimi piukkunnassutsimut inaarutaasumik karakteereqalernissamut misilitsissinnaanermulluunniit peqataanngiffiusussamik angusimasanik ilinniarnermut allamut nuussisimasut ilinniakkap ilaautut fagimik aallaqqaataanit naammassinnissinnaanngillat.

§ 12. Ilinniartoq angusimasanik ilinniarnermut allamut nuussisimasoq ilinniarnertruunngorniarfimmit sivikinnerusumik faginilluunniit amerlanerusunik imalimmik immikkut ingerlataqarnissamik, aamma ilinniarniakkamik ilinniartup malitaanik rektorimit neqeroorfigineqarsinnaavoq.

§ 13. Angusimasanik ilinniarnermut allamut nuussiviusumik ingerlataqarnissaq aallaavittut nutaanngilisoorsinnaanngilaq.

Imm. 2. Ingerlatarli ukiut tallimat sinnerlugit qaangiutereerernerini naammassineqarsimasoq nutaanngilisimanersoq rektorip aalajangiiffigisinnaavaa.

Angusimasanik ilinniarnermut allamut nuussinissaq pillugu siumut neriorsuineq

§ 14. Ilinniartunut ilinniarnertruunngorniarnermik ilaani Danmarkimi nunaniluunniit allani ingerlatserusuttunut angusimasanik ilinniarnermut allamut nuussinissaq pillugu Ilinniartitaanermut Naalakkersuisoqarfik rektorimit tamanna pillugu inassuteqartoqarneratigut siumut neriorsuisinnaavoq.

Imm. 2. Siumut neriorsuisoqarneratigut ukioq ataaseq angullugu atuartitsinermut peqataanngitsoortoqarsinnaavoq piffissamilu pineqartumi fagimik ataatsimik arlalinnilluunniit naammassinninnissamut peqataanngitsoortoqarsinnaalluni.

§ 15. Angusimasanik ilinniarnermut allamut nuussinissamik siumut neriorsuisoqarnissaanik aalajangiisoqartinnagu Ilinniartitaanermut Naalakkersuisoqarfuiup suliatigut tunngaveqarlutik Danmarkimi nunamiliunniit allami pilersaarutaasutut ilinniarnissaq, tassunga ilanngullugit fagit tulleriinneri, fagip qaffasisusia, ilikkagassatut anguniakkat ilinniartitaanermiluunniit Danmarkimi nunamiliunniit allami pisumi qitiusumik imarisaasut akuerissavaa.

§ 16. Ilinniartup piffissami fagimi ataatsimi arlalinnilluunniit qarasaasiakkut atuartitsinermik naammassinninnissaa angusimasanik ilinniarnermut allamut nuussinissaq pillugu siumut neriorsuinissamik aalajangiiniarnermi piumasaqaatigineqarsinnaavoq.

§ 17. Angusimasanik nuussinissamik siumut neriorsuineq pituttuisuuvoq, ilinniartup atuartitsinerup angusimasanik nuussinissaq pillugu siumut neriorsuinermut tunngaviusup ilaani pingaarutilimmi peqataanngitsoorsimanera eqqaassanngikkaanni.

Atuartitsinermut allatut peqataannginneq

§ 18. Ilinniartoq ilinniarnertuunngorniarfimmut allamut ilinniakkamulluunniit allamut nuuppat sulianullu tunngasut pissutaallutik ilinniartup faginik toqqakkatut qaffassisusilinnik nangitsinissaajornarpat, rektorip ilinniartoq fagini piukkunnassutsimut karakteereqalerfiusuni misilitsiffiusinnaasunilu fagimi ataatsimi arlalinniluunniit atuartitsinermut, kiisalu fagimik naammassinninnissamut peqataatinngissinnaavaa.

Imm. 2. Ilinniartup ilinniarnertuunngorniarfimmut allamut ilinniakkamulluunniit allamut nuunnera tunuliaqutaralugu peqataannginissamut piumasaqaataavoq ilinniartup fagini allani atuartitsinermut ilinniartup peqataanngiffigisaanut naapertuuttumik annertussusilimmik qaffassisusilimmillu atuartitsinermut peqataasarnissa naammassinninnissaalu.

§ 19. Ilinniartup fagimik pineqartumik atuarfimmi allami ingerlatsillunilu naammassinninnissaarektorip akuerisimappagu rektorip tamatumunnga peqatigitillugu ilinniartup fagimi atuartitsinermut, kiisalu piukkunnassutsimut inaarutaasumik karakteerinnalluni fagimik naammassinninnissamut misilitsinnerusinnaasumullu peqataatinngissinnaavaa.

Soraarummeersimanermut uppernarsaammi angusimasanik ilinnarnermut allamut nuussisimanermik nalunaarneq

§ 20. Ilinniartoq fagimik naammassinninnissamut peqataanngissutaasumik angusimasaminik ilinniarnermut allamut nuussisimappat ilinniartup soraarummeersimanermut uppernarsaataani tamanna pillugu paasisitsisoqassaaq.

§ 21. Fagimi, angusimasanik ilinniarnermut allamut nuussinissamut tunngavigineqartumi suliassami, casemi, imaluunniit oqaluttariarsornikkut allattariarsornikkulluunniit misilitsinnermi inaarutaasumik misilitsinnermi karakteererisinnaasat ilinniartup soraarummeersimanermut uppernarsaataanut nuunneqassapput misilitsinnermi karakteeritut aamma fagimi pineqartutut qaffassisusilimmi misilitsinnermi karakteeritut.

§ 22. Piukkunnassutsimut inaarutaasumik karakteerit taamatulluunniit karakteerit ilinniartup fagimi angusimasanik ilinniarnermut allamut nuussinermut tunngavigineqartumi inaarutaasumik piukkunnassutsimik naliliiviusut ilinniartup soraarummeersimanermut uppernarsaataanut nuunneqassapput, piukkunnassutsimut inaarutaasumik karakteritut aamma fagimi pineqartutut qaffassisusilimmi piukkunnassutsimut inaarutaasumik karakteeritut.

§ 23. Fagi angusimasanik ilinniarnermut allamut nuussinermut tunngavigineqartoq, ilinniarnertuunngorniarfit pillugit malittarisassat naapertorlugit karakterinik ilinniartup

soraarummeersimanermut uppermarsaataanut nalunaarneqartussanut ilaqaangippat tamatumunnga taarsiullugu soraarummeersimanermut uppermarsaat karakteerinik nuussiviunngitsumik angusimasanik ilinniarnermut allamut nuussisoqarsimaneranik oqaaseqaatitalernejassaaq.

§ 24. Fagi, angusimasanik ilinniarnermut allamut nuussinermut tunngavigneqartoq ilinniarnerntuunngorniarfiit pillugit malittarisassat naapertorlugit ilinniartup soraarummeersimanermut uppermarsaataani allanneqartussanit amerlanerusunik karakteereqarfippat tamatumunnga taarsiullugu soraarummeersimanermut uppermarsaatit karakteerit fagimit angusimasanik ilinniarnermut allamut nuussinermut tunngavigneqartumit pisut agguaqatigiissinneri allanneqassapput. Agguaqatigiissitat akunnaallisaasarniq pillugu nalinginnaasumik malittarisassat ilinniarnerntuunngorniarfinni naliliisarneq uppermarsaasiisarnerlu pillugit Namminersorlutik Oqartussat nalunaarutaanni aalajangersarnejartut naapertorlugit akunnaallisarnejassapput.

§ 25. Taarsiissuteqarnikkut angusimasanik ilinniarnermut allamut nuussisarneq pillugu malittarisassat naapertorlugit angusimasanik ilinniarnermut allamut nuussisoqarsimappat ilinniartup soraarummeersimanermut uppermarsaataa tamanna, kiisalu fagip angusimasanik ilinniarnermut allamut nuussinermut tunngaviusup aqqa pillugu oqaaseqaatitalernejassaaq.

§ 26. Ilinniakkanit ingerlaqqiffiusunit faginit karakteerinik nuussisoqarsinnaanngilaq.

§ 27. Karakteerit ECTS-skala aqqutigalugu karakteerinut ilinniarnerntuunngorniarfiit pillugit malittarisassat naapertorlugit tunniunneqartartunut allanngortinneqarsinnaappata aatsaat nunani allani ilinniarnerntuunngorniarfinit karakteerinik nuussisoqarsinnaavoq.

§ 28. Fagini angusimasanik ilinniarnermut allamut nuussissutaasinnaasuni misilitsinnerit misilitsinnerni ilinniarnerntuunngorniarfimmu naliliisarneq pillugu malittarisassani piumasaqataasuni amerlassutsinut taamaallaat atuutissapput ilinniartoq holdinut atuarfigisaminut misilitsissutissatut makitsinerup kingorna misilitsittussaasimagaluarpas.

Naammagittaalliortarneq pillugu aalajangersakkat

§ 29. Ilinniartoq imaluunniit ilinniartoq angajoqqaatut oqartussaaffigineqarpat, angajoqqaatut oqartussaasut nalunaarut manna naapertorlugu rektorip aalajangiineranik, aalajangiinerup nalunaarutigineqarneranit sapaatit akunneri marluk qaangiutsinnagit Ilinniartitaanermut Naalakersuisoqarfimmu inaarutaasumik aalajangiisussanut naammagittaalliuiteqarsinnaapput.

Imm. 2. Naammagittaalliut tunngavilersorneqarsimassaaq.

Imm. 3. Naammagittaalliut allaganngorlugu ilinniarnerntuunngorniarfiup rektorianut tunniunneqassaaq taassumalu nammineq suliamut oqaaseqaasiaani ilanggullugit Ilinniartitaanermut Naalakersuisoqarfimmu ingerlateqqissavai. Suliap ingerlateqqinnejanningerani ilinniarnerntuunngorniarfiup pisortaata naammagittaalliuiteqartoq oqaaseqaatigineqartumut oqaaseqarnissaanut sapaatit akunneranik ataatsimik piffissalerlugu periarfississavaa.

Naammagittaalliuuteqartup oqaaseqaatigisinnaasai ilanngullugit Ilanniartitaanermut
Naalakkersuisoqarfimmut nassiunneqassapput.

Atuutilersitsineq

§ 30. Nalunaarut atuutilissaq 1. august 2022-mi.

Stk. 2. Tamanna ilutigalugu Ilanniarnertuunngorniarfimmi angusimasanik ilinniarnermut allamut nuussisarneq allatullu atuartitsinermut peqataannginnissaq pillugu Namminersorlutik Oqartussat nalunaarutaat nr. 7, 14. april 2015-imeersoq atorunnaarsinnejassaaq.

Namminersorlutik Oqartussat, ulloq 5. juli 2022

Peter Olsen

Ilanniartitaanermut, Kultureqarnermut, Timersornermut Ilageeqarnermullu Naalakkersuisoq

/ Karsten Peter Jensen

Namminersorlutik Oqartussat

Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviit
Naalakkersuisut

